

經

義

考

三十七

附
錄

經義考卷二百十二

秀水



男

昆田



論語二

衛氏

確

論語集注

隋志六卷

佚

陸德明曰晉八卷少二卷

按釋文必有忠信如正者焉引衛氏集注焉於虔

反爲下句首

崔氏

豹

論語集義

唐志作大義

隋志八卷

七錄釋文十卷

佚

陸德明曰豹字正熊燕國人晉尚書左兵中郎

繆氏播論語旨序

隋志三卷

佚

隋志晉衛尉繆播撰

按釋文夫子矢之引繆氏旨序云誓也予所否者

否方有反

郭氏象論語體略

隋志二卷

佚

隋志太傅主簿郭象撰

論語

七錄一卷

佚

樂氏

肇

論語釋疑

隋志十卷

佚

隋志晉尚書郎樂肇撰

論語駁序

七錄二卷

佚

徐氏

邈

論語音

唐志二卷

釋文一卷

佚

虞氏喜論語讚鄭氏注

隋志九卷

佚

新書對張論

七錄十卷

佚

冊府元龜虞喜累徵博士不就說毛詩略注孝經撰周官

駁難又注論語讚九卷新書對張論語十卷

曹氏毗論語釋

七錄一卷

佚

應氏璩 論語藏集解

七錄一卷

佚

庾氏翼 論語釋

七錄一卷

佚

李氏充 論語集注

隋志十卷

佚

隋書晉著作郎

論語釋

七錄一卷

佚

按釋文予所否者引李氏釋云否備鄙反

范氏寧論語注

佚

按陸氏釋文於無適也無莫也引范氏注云適莫猶厚薄也又子謂公冶長范氏謂公冶長名芝字

子長

孫氏綽論語集解

隋志十卷

佚

陸德明曰綽字興公太原人東晉廷尉卿長樂亭侯

按釋文於三年學不至於穀引孫氏解云祿也

孟氏整論語注整或作陋

七錄十卷

佚

袁宏銘曰處士名陋字少孤武昌陽新人吳司空孟宗後也少而希古布衣蔬食棲遲蓬華之下絕人間之事親族慕其孝大將軍命會稽王辟之稱疾不至相府歷年虛位而澹然無問卒不降志

陸德明曰一云孟陋字少孤江夏人東晉撫軍參軍不就冊府元龜孟整博學通三禮注論語行於世

梁氏顗論語注釋

七錄十卷

佚

陸德明曰天水人東晉國子博士

袁氏喬論語注釋

七錄十卷

佚

晉書喬字彥叔陳郡陽夏人拜尚書郎桓溫引爲司馬勸
溫伐蜀以江夏相爲軍鋒李勢旣降進號龍驤將軍封湘
西伯卒追贈益州刺史謚曰簡

尹氏毅論語注釋

七錄十卷

佚

王氏濛論語義

七錄一卷

伏

氏熙論語集解

隋志十卷釋文十二卷

伏

冊府元龜熙字太和爲兗州別駕

晁公武曰皇侃論語疏序稱熙所集世謂其引事雖時詭

異而援證精博爲後學所宗

王應麟曰皇侃疏列論語十三家衛瓘繆播樂肇郭象蔡

謨袁宏江惇蔡系李充孫綽周懷范甯王珉此十三人江

熙所集

張氏憑論語注

七錄十卷

佚

陸德明曰字長宗吳人東晉司徒左長史

論語釋

隋志一卷

佚

朱氏

纖

論語注

佚

晉書纖字令文敦煌效穀人隱居酒泉南山不應州郡辟

命明究經緯注論語弟子受業三千餘人張祚徵爲太子

友進太子太傅不食卒

冊府元龜纖爲張祚太子太傅明究經緯注論語及爲詩

頌數萬言

楊氏惠明 論語義注

七錄十卷

佚

蔡氏系 論語釋

七錄一卷

佚

張氏隱 論語釋

七錄一卷

佚

邾氏原 論語通鄭

七錄一卷

佚

姜氏 處道 論語論釋

七錄一卷

佚

宋明帝論語續注 隋志作論語補闕

二卷 唐志十卷

佚

南史帝在藩時續衛瓘所注論語二卷

蔡氏 謨 論語注

佚

按蔡氏論語注不見於隋唐志而陸氏釋文於夫子矢之引蔡氏說云陳也

張氏 略 論語疏

七錄八卷

佚

隋書宋司空法曹張略等撰

伏氏

曼容

論語義

佚

范氏

廙

論語別義

隋志十卷

佚

孔氏

澄之

論語注

七錄十卷

佚

冊府元龜孔澄之字仲淵爲新安太守著論語十卷

虞氏選論語注

七錄十卷

佚

陸德明曰會稽人齊員外郎

沈氏駢士論語訓注

佚

許氏容論語注

七錄十卷

佚

曹氏思文論語注

七錄十卷

佚

按思文齊永元初國子助教

戴氏說論語述議

唐志二十卷

佚

梁武帝論語

佚

按梁書南史本紀不載帝訓釋論語而陸氏釋文於事君數引武帝云數色具反數已之功勞也又可使治其賦也賦作傳

陶氏弘景論語集注

七錄十卷

佚

太史氏

叔明

論語集解

七錄十卷

佚

南史太史叔明吳興烏程人吳太史慈後也少善莊老兼通孝經論語禮記尤精三予每講說聽者常五百餘人爲國子助教邵陵王綸好其學及出爲江州攜叔明之鎮王遷郢州又隨府所至輒講授故江州人士皆傳其學

褚氏

仲都

論語義疏

唐志作講疏

隋志十卷

佚

皇氏

侃

論語義疏

隋志十卷